



SAKSPAPIR

Saksnr	Utval	Type	Dato
05/2018	Formannskap/plan- og økonomiutvalet	PS	29.01.2018

Sakshandsamar	Arkiv	ArkivsakID
Gjertrud Karevoll	FA - L05	17/802

MOGELEGSTUDIE BERGSDALEN SLUTTRAPPORT - ORIENTERINGSSAK

Vedlegg:

Sluttrapport mulighetsstudie Bergsdalen

Rådmannen sitt framlegg til vedtak:

Saka vert tatt til orientering.

Formannskap/plan- og økonomiutvalet - Sak 05/2018

FPØ - Behandling:

Samrøystes vedtak.

FPØ - Tilråding/Vedtak:

Saka vert tatt til orientering.

Saksopplysningar:

I samband med kommuneplanarbeidet har rådgjevingsfirmaet MIMIR vore engasjert til å gjennomføre ein mogelegstudie for å sette lys på potensialet for utvikling i Bergsdalen. Studiet er eit kunnskapsgrunnlag og innspel til arbeidet med kommuneplanen.

Gjennomføring:

Tysdag 5. september 2017 møtte Vaksdal kommune innbyggjarar i Bergsdalen til oppstartsmøte i eit moglegheitsstudie for bygda. Om lag 30 personar deltok på dette informasjonsmøtet.

Moglegheitsstudiet har tatt utgangspunkt i kommuneplanarbeidet, der mellom anna skiløype frå Lid

til Hamlagrøosen, nye hytteområde og eit mindre alpinanlegg tidlegare er føreslått. I oktober vart det gjennomført ei spørjeundersøking (questback) blandt hytteeigarane, og samtalar med gardbrukarar, jordbrukslaget, Bergsdalstunet og Bergsdalshytta.

Det innsamla materialet er bearbeidd, og MIMIR presenterte dette på ope kveldsmøte mandag 13. november i Bergsdalshytta. Det kom i alt 32 til dette møtet, som også hadde ein presentasjon frå Eirik Brynjulfsen (Fylkesmannen) om ulike tilskotsordningar.

Kort:

Bergsdalen har vel 300 private hytter, og dei fleste av desse er lokalisert øvst i dalen. Men også på Berge og Lid/Brekke er det hytter. Berge har også års plassar for campingvogner. Like over kommunegrensa i aust er det om lag 500 hytter. Bergsdalen er også eit utfartsområde for innbygarar i Vaksdal og innfallsport for DnT-hytter.

Reiselivet i Bergsdalen omfattar først og fremst hytteturisme, samt Bergsdalstunet. Bergsdalstunet er under restaurering. På Militærvegen frå Småbrekke til Gullhorgabu vert det gjennomført eit større vedlikehaldsarbeid, fordi bruken er større enn «tåleevna». Kortreist mat med høg kvalitet vert produsert på fleire gardsbruk. MIMIR har skissert infrastrukturen i reiselivsperspektiv:



Hyttteeigarundersøkinga er også gjort greie for i sluttrapporten, og MIMIR oppsummerar den slik: *Totalt sett kan undersøkelsen oppsummeres med at hyttbefolkningen i Bergsdalen er fornøyd og bruker hytta mye, at noen ønsker at området skal være som nå, mens mange er positive både til flere hytter og mer tilrettelegging gitt at det skjer skånsomt. Selv om veistandarden nevnes ofte, ser den ikke ut til å være noen hovedsak for respondentene.*

MIMIR peikar på fleire fortrinn som Bergsdalen har som reiselivsdestinasjon, og tilrår ein småskala utvikling for både reiseliv og opplevingar, og peikar ein mogleg retning med illustrasjonen:



Det vert peika på moglegheitsrommet som ligg i å «reindyrke» og forsterke ulike område, og peikar på funksjonssoner (utdrag):

- Dale som innfallsport og handels- og servicesenter
- Lid og Brekke med Bergsdalstunet og Bergsdalshytta. Her ligger også skulebygningen, kirken, ungdomshuset, samt grønnsak- og jordbær utsalg i sommersesongen
- Rødland og Holeberg med typiske fjellhytter- og terreng

I tillegg er flere steder i dalen innfallsport til DNT sitt rutenett og hytter.

Særskilte fortrinn og utfordringer:

- Tilgjengeligheten til både store befolkningssentra og en internasjonalt kjent besøksregion
- Kombinasjonen av jordbruksbygd, kulturlandskap og helårig høyfjellsterreng.

MIMIR har også vurdert moglegheitene i innspela for:

- Hytteutbygging
- Alpinanlegg
- Skulebygget
- Ski-, vandre og sykkelveg langs vassdraget

Av desse er det småskala hyttebygging og turløype langs vassdraget som kjem godt ut. Alpinanlegget vert vurdert til vanskeleg å etablere og drifte, mens skulebygget kan ha god funksjon som del av ei satsing på reiseliv og til alternativ bruk, gjerne sett i samanheng med kringliggande bygningar; ungdomshuset, kyrkja, Bergsdalstunet og matproduksjon på Lid.